

www.BibleForChildren.org

Matiyu 8



Tsənò adi e ta, esə-ben è no a eten nwofyan a bè fé anga Kana adi sènsen mo Galili. Ayi Yeso è no a zən. Bè bo Yeso ngge be etsonchi mbwe ken adi esə-ben hon gaten.



Atan a mbə enabi mo esə hon è nyagu ara ángá, ayi Yeso è jan ye jan, “Be fwa be ngge mbə enabi efwe ra.” Tea ayi ye è jan be ya mochi a zən jan, “Nye e bwe mò e no engə ra a ge jan nye ángá.”



Yeso è jan be ya mochi hon jan, “Nye nggwa mbo be hwapi e dwana ngge mbə.” Enona, bè nggwa mbo be hwapi hon ngge mbə gwa pishi a tón. Kənggwa gè jan be, “Asuswana nye tkyà ye ken no chu mo esə hon.” Bè bwe enò.



Atan a chu mo esə hon è mbwadi nó ángá, mbə hon è twafwe nga ara mbə enabi. Gè yi ye zən a bè ti nó bwa ángá ra. Tea be ya mochi hon è tkyà mbə hon bwa ye ángá è yi nó.



Kənggwa gè fə edon-gwa hon dwa ken a buetkwa, nè jan, “Egwa egwa, kwafya ti mbə enabi e se ti ara ángá gwa anga a je sangé, atan a be nobə ngə mbo ara, be chà a ti e se ye àywá ra ti a bwa anga. Tea m mbo, o ti e se ti ara ti nyi seshi, o chà ti gwa a je asuswana.”



Ena a moeditanm ekwafya a Yeso è bwe ángá. Gè bwe nó a Kana a sènsen mo Galili.

A chu mo moeditanm ena gè fi tú egèn mbwe, ngge be etsonchi mbwe è tséekèn a chu ye.



Atan a Yeso è kwashi a mbwe Bitru ángá, gè di gwé Bitru hon ndegwa è dwano a sen adi edgye.



Gè yi adi bu mo ndegwa hon, edgye hon è twagwa ye.
Gè nyi etkyen nè bwe mode no Yeso.



Edgó nò eni, a nò è kpo ara ángá, be nobə kpu be ya modwa embo ngge be ya è no ngge be engé esera ángá bwa a zən Yeso.


Be nobə a tswa eten hon è fənno gu a fəehwen mo mu hon a Yeso è no a ángá, Kənggwa Yeso matswa be nobə embo ya è no ngge be modwa echu echu ángá nè nyonvé be engé esera àywá a ju be nobə.



Gè cha ye dwa be engé esera hon be e jan
fwa ra, adia bè yi ara ende a gè no ángá.



Binbin be nobə hon è tkon etkon evəa be e yi ye a ju,
adia echakpo è gwa anga a je a ju ye nè no matswa
gu be modwa mo
be anga.



Nobə ndwe è tso ya modwa-edan akan ti bwa a zən.



Adia be nobə è fifi ara ángá, bè
ben be efwa a be ti kwa a shi a
zən Yeso ra.



Enona, bè tonvé tkofwi edu a chu ba
mo àtá, a chu zən a Yeso è no ángá,
nè ti ya modwa hon éè dwano
a chu sə ángá, du shi adi
edu hon ngge sə hon,
shi a zən a Yeso
è no ángá.



Atan a Yeso è di
chaebi mo be ya è ti
ye bwa ángá, gè jan
ya modwa-edan hon
jan, “Nobə, be
gwano ara o be
ebgen mbo.”

Kənggwa, gè jan
ya modwa-edan hon,
“M jan o nyi etkyen,
fə sə mbo we nya a
mu.”



Kənggwa Yeso è kwashi a tswa mo ngga hon, be
etsonchi mbwe è kwashi èé be,
bè kwa ara enyam.



Abu bè no nyaken ángá, kè akan, fyochu echakpokpo
è no kpo bwa anga a chu edan hon,
nè tsə mbə hon fé bwa nggwashi
a tswa mo ngga abu ge fka a
bwi be. Tea Yeso è dwa
dan anga atan enò.



Gè janfwe be, “Bwe engə nye tsen etsentsen anga àywá? A nye be ya chaebi mo nye cha ye kpo ra.” Kənggwa, gè nyi etkyen nè kpón fyochu ngge mbə hon éè fé anga dgyén, zən è tswa gushi ju dgye enó. Be etsonchi hon è tən ebwikpe nè jan, “Nobə hon ena no engə? Èé be fyo ngge mbə e fé anga tse ye?”



Adia Ehwya è dgyan be nobe mo
zə́nchaje àywá, gè tson Nwen ye
akan tete bwa, evəa egwa egwa
nwene e tséekèn a chu Nwen hon, a
tkò a didi ye ra, tea ga ben nya
e no a fwa efwam ángá.



Be ya a Roma 3:23

Adia binbin mo be nobə è bwe ara ebgen,
n kən be be e ben egèn mo Ehwya ra,

Be ya a Roma 6:23

Adia buhwen a nya ben adi ebgen ebwem ángá, a fə,
tea edwe a Ehwya no anga, a nya e no a fwa efwam
adi efka mo Yeso Kristi, Etsodwe mo je.

Be ya a Ebru 9:27

Adia gè no ara epanyim jan nobə a fə kè akan,
chashin mo nó, ba kpèn ye kén ángá,



Be ya a Afisa 2:8,9

Adia a chu esese mo Ehwya a bè tivé nye, adi efka mo chaebi mo nye a chu Yeso, fwa ye a chu mò akan a nye bwe ara ra, a edwe mo Ehwya, fwa ye a chu mochi a nye bwe ara ra, enona, nobə akan a sé ye fé ra.

Be ya a Roma 10:9,10

Ge tú anga jan, ano nobə jan a kpevé mbwe gwa a je jan, “Yeso a Etsodwe,” ngge ge tséekèn a tsuruku mbwe jan, Ehwya è ti ye nyi etkyen a dì angə, ga ben nya e no a fwa efwam ángá. Adia a ngge tsuruku a nobə e tséekèn ngge be jan-gwa ara ye a chu zəno mbwe chafya mo Ehwya, ngge ge jan nó a kpevé mbwe gwa ara je a chu chaebi mbwe, ba ti a vé ye.



Yohana 3:16,17

“Adia Ehwya è dgyan be nobə mo zənychaje àywá, gè tson Nwen ye akan tete bwa, evəa egwa egwa nwene e tséekèn a chu Nwen hon, a tkò a didi ye ra, tea ga ben nya e no a fwa efwam ángá. Adia Ehwya e tson ye Nwen ye hon shwa ye a tswa zənychaje abu ge e kpèn be nobə mo zənychaje kénfə ra, tea adi efka mbwe be e ben ega.

1 Yohana 5:11-13

Ena a mò a Ehwya jan anga, Ehwya no ara je nya nwone a kən ye etkyen ra, nya hon ena no a tswa mo Nwen ye. Egwa egwa e no ngge Nwen hon a tsuruku mbwe, no ngge nya. Egwa egwa e cha ye Nwen hon a tsuruku mbwe ra, fwa ye ngge nya ra. A nye ya e tséekèn no a chu ti mo Nwen mo Ehwya ángá, m bá be mò ena no nye anga, evəa nye e yi jan, nye ben ara nya e no a fwa efwam ángá.



Matiyu 8-9; Marku 1-2, 4; Luka 4, 8; Yohana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Etkywan NT (ich) © 2024 Luke Initiative for Scripture
Translation

<https://www.bible.com/bible/3934/MAT.1>

©2026 Bible for Children, Inc.

www.M1914.org

www.bibleforchildren.org

